

大唐西域記卷六

四國

室羅伐悉底國

劫比羅伐率堵國

藍摩國

拘尸那揭羅國

室羅伐悉底國周六千餘里都城荒頓壇場無紀宮城故基  
 周二十餘里雖多荒圯尚有居人穀稼豐氣序和風俗淳質  
 篤學好福伽藍數百圯壞良多僧徒寡少學正量部天祠百  
 所外道甚多此則如來在世之時鉢羅犀那恃多王唐言勝  
波斯匿所治國都也故宮城內有故基勝軍王殿餘址也次  
波斯匿東不遠有一故基上建小率堵波昔勝軍王為如來所建大  
 法堂也

大唐西域記卷六

一

法堂側不遠故基上有率堵波是佛姨母鉢邏間鉢底

唐言生主

舊云波園

波提訛也苾芻尼精舍勝軍王之所建立次東率堵波是蘇

達多

唐言善施舊

故宅也善施長者宅側有大率堵波是鴛

窣利摩羅

唐言指鬘舊曰

捨邪之處鴛窣利摩羅者室羅伐

悉底之凶人也作害生靈為暴城國殺人取指冠首為鬘將  
 欲害母以充指數世尊悲愍方行導化遙見世尊竊自喜曰  
 我今生天必矣先師有教遺言在茲害佛殺母當生梵天謂  
 其母曰老今且止先當害彼大沙門尋即仗劍往逆世尊加  
 來于是徐行而退凶人指鬘疾驅不逮世尊謂曰何守鄙志  
 捨善本激惡源時指鬘聞誨悟所行非因即歸命求入法中  
 精勤不怠證羅漢果城南五六里有逝多林

唐言勝林舊  
曰祇陀訛也

給孤獨園勝軍王大臣善施爲佛建精舍昔爲伽藍今已荒廢東門左右各建石柱高七十餘尺左柱鏤輪相于其端右柱刻牛形于其上並無憂王之所建也室宇傾圯唯餘故基獨一甌室巋然獨存中有佛像昔者如來昇三十三天爲母說法之後勝軍王聞出愛王刻檀像佛乃造此像善施長者仁而聰敏積而能散極乏濟貧哀孤恤老時美其德號給孤獨焉聞佛功德深生尊敬願建精舍請佛降臨世尊命舍利子隨瞻揆焉唯太子逝多園地爽塏尋詣太子具以情告太子戲言金遍乃賣善施聞之心豁如也卽出藏金隨言布地有少未滿太子請留曰佛誠良田宜植善種卽于空地建立精舍世尊卽之告阿難曰園地善施所買林樹逝多所施二

人同心式崇功業自今已去應謂此地爲逝多樹給孤獨園給孤獨園東北有窰堵波是如來洗病苾芻處昔如來之在世也有病苾芻舍苦獨處世尊見而聞曰汝何所苦汝何獨居曰我性疎嬾不耐看病故今嬰疾無人瞻視如來是時愍而告曰善男子我今看汝以手拊摩病苦皆愈扶出戶外更易敷褥親爲盥洗改著新衣佛語苾芻當自勤勵聞誨感恩心悅身豫給孤獨園西北有小窰堵波是沒特伽羅子運神通力舉舍利子衣帶不動之處昔佛在無熱惱池人天咸集唯舍利子不時從會佛命沒特伽羅往召來集沒特伽羅承命而往舍利子方補護法衣沒特伽羅曰世尊今在無熱惱池命我召爾舍利子曰且止須我補竟與子偕行沒特伽羅

曰若不速行欲運神力舉爾石室至大會所舍利子乃解衣帶置地曰若舉此帶我身或動時沒特伽羅迎大神通舉帶不動地爲之震因以神足還詣佛所見舍利子已在會坐沒特伽羅俯而歎曰乃今以知神通之力不如智慧之力矣舉帶窄堵波側不遠有井如來在世汲充佛用其側有窄堵波無憂王之所建也中有如來舍利經行之迹說法之處並樹旌表建窄堵波冥祇警衛靈瑞間起或鼓天樂或聞神香景福之祥難以備叙

伽藍後不遠是外道梵志殺姪女以謗佛處如來十力無畏一切種智人天宗仰聖賢遵奉時諸外道共相議曰宜行詭詐衆中謗辱乃誘雇姪女詐爲聽法衆所知已密而殺之埋

大唐西域記卷六

二二

屍樹側稱怨告王王命求訪于逝多園得其屍焉是時外道高聲唱言喬荅摩大沙門常稱戒忍今私此女殺而滅口旣姪旣殺何戒何忍諸天空中隨聲唱曰外道兇人爲此謗耳伽藍東百餘步有大深坑是提婆達多欲以毒藥害佛生身陷入地獄處提婆達多唐言天授斛飯王之子也精勤十二年已誦持八萬法藏後爲利故求學神通親近惡友共相議曰我相三十減佛未幾大衆圍遶何異如來思惟是已卽事破僧舍利子沒特伽羅子奉佛指告承佛威神說法誨喻僧復和合提婆達多惡心不捨以惡毒藥置指瓜中欲因作禮以傷害佛方行此謀自遠而來至于此也地遂坼焉生陷地獄其南復有大坑瞿伽黎苾芻毀謗如來生身陷入地獄瞿伽黎

陷坑南八百餘步有大深坑是戰遮婆羅門女毀諦如來生身陷人地獄之處佛爲人天說諸法要有外道弟子逢見世尊大眾恭敬便自念曰要于今日辱喬荅摩敗其善譽當令我師獨擅芳聲乃懷繫木盂至給孤獨園于大眾中揚声唱曰此說法人與我私通腹中之子乃釋種也邪見者莫不信然貞固者知爲訕謗時天帝釋欲除疑故化爲白鼠齧斷盂係系斷之声震動大眾凡諸見聞增深喜悅衆中一人起持木盂示彼女曰是汝兒耶是時也地自開坼全身墜陷入無聞獄具受其殃凡此三坑洞無涯底秋夏霖雨溝池泛溢而此深坑嘗無水止伽藍東六七十步有一精舍高六十餘尺中有佛像東而而坐如來在昔于此與諸外道論議次東有

大唐西域記卷六

四

天祠量等精舍日且流光天祠之影不蔽精舍日將落照精舍之陰遂覆天祠

影覆精舍東三四里有窳堵波是尊者舍利子與外道論義處初善施長者買逝多太子園欲爲如來建立精舍時尊者舍利子隨長者而曠揆外道六師求捫神力舍利子隨事攝化應物降伏其側精舍前建窳堵波如來于此摧諸外道又受毗舍佉母請

受請窳堵波南是毗盧擇迦王

舊曰毗流離王訛也

興甲兵誅釋種至

此見佛歸兵之處毗盧擇迦王嗣位之後追怨前辱興甲兵動大眾部署已畢伸命方行時有苾芻聞已白佛世尊于是坐枯樹下毗盧擇迦王遙見世尊下乘禮敬退而言曰茂樹

扶疎何故不坐枯株朽蘖而乃遊止世尊告曰宗族者枝葉也枝葉將危庇蔭何在王曰世尊爲宗親耳可以迴駕于是覩聖感懷還軍返國

還軍之側有窳堵波是釋女被戮處毗盧擇迦王誅釋克勝簡五百女充實宮闈釋女憤恚怨言不遜詈其王家人之子也王聞發怒命令誅戮執法者奉王教刖其手足投諸坑穽時諸釋女舍苦稱佛世尊聖鑒照其苦毒告命苾芻攝衣而往爲諸釋女說微妙法所謂羈經五欲流轉三途恩愛別離生死長遠時諸釋女聞佛指誨遠塵離垢得法眼淨同時命終俱生天上時天帝釋化作婆羅門收骸火葬後人記焉誅釋窳堵波側不遠有大涸池是毗盧擇迦王陷身入地獄

大唐西域記卷六

五

處世尊觀釋女已還給孤獨園告諸苾芻今毗盧擇迦王却後七日爲火所燒王聞佛記甚懷惶懼至第七日安樂無危王用歡慶命諸宮女往至池側娛遊樂飲猶懼火起鼓棹清流隨波泛濫熾焰颯發焚輕舟墜王身入無間獄備受諸苦伽藍西北三四里至得眼林有如來經行之迹諸聖習定之所並樹封記建窳堵波昔此國羣盜五百橫行邑里跋扈城國勝軍王捕獲已抉去其眼棄于深林羣盜苦逼求哀稱佛是時如來在逝多精舍聞悲聲起慈心清風和暢吹雪山藥滿其眼已尋得復明而見世尊在其前住發菩提心歡喜頂禮投杖而去因植根焉

大城西北六十餘里有故城是賢劫中人壽一萬歲時迦葉

波佛本生城也城南有窣堵波成正覺已初見父處城北有  
窣堵波有迦葉波佛全身舍利並無憂王所建也從此東南  
行五百餘里至劫比羅伐窣堵國

舊曰迦毗羅衛國  
訛也中印度境

劫比羅伐窣堵國周四千餘里空城十數荒蕪已甚王城頽  
圯周量不詳其內官城周十四五里壘甃而成基址峻固空  
荒久遠人里稀曠無大君長城各立主土地良沃稼穡時播  
氣序無愆風俗和暢伽藍故基千有餘所而宮城之側有一  
伽藍僧徒三十餘人習學小乘正量部教天祠兩所異道雜  
居

宮城內有故基淨飯王正殿也上建精舍中作王像其側不  
遠有故基摩訶摩耶

唐言  
大衛

夫人寢殿也上建精舍中作夫人

大唐西域記卷六

六

之像其側精舍是釋迦菩薩降神母胎處中作菩薩降神之  
像上座部菩薩以嗚咀羅額沙茶月三十日夜降神母胎當  
此五月十五日諸部則以此月二十三日夜降母胎當此五  
月八日

菩薩降神東北有窣堵波阿私多仙相太子處菩薩誕靈之  
日嘉祥輻湊時淨飯王召諸相師而告之曰此子生也善惡  
何若宜悉乃心明言以對曰依先聖之記考吉祥之應在家  
作轉輪聖王捨家當成等正覺是時阿私多仙自遠而至叩  
門請見王甚慶悅躬迎禮敬請就寶座曰不意大仙今日降  
顧仙曰我在天宮安居晏坐忽見諸天羣從蹈舞我時問言  
何悅豫之甚也曰大仙當知瞻部洲中釋種淨飯王第一夫

人今產太子當證三菩提圓明一切智我聞是語故來瞻仰  
所悲朽毫不遭聖化

城南門有窳堵波是太子與諸釋拊力擲象之處太子伎藝  
多能獨拔倫匹淨飯大王懷慶將返僕夫馭象方欲出城提  
婆達多素負強力自外而入問馭者曰嚴駕此象其誰欲乘  
曰太子將還故往奉馭提婆達多發憤引象批其顙蹴其臆  
僵仆塞路杜絕行途無能轉移人衆填塞難陀後至而問之  
曰誰死此象曰提婆達多卽曳之僻路太子至又問曰誰爲  
不善害此象耶曰提婆達多害以杜門難陀引之開徑太子  
乃舉象高擲越度城塹其象墮地爲大深坑土俗相傳爲象  
墮坑也其側精舍中作太子像其側又有精舍太子妃寢宮

大唐西域記卷六

七

也中作耶輪陀羅并有羅怛羅像宮側精舍作受業之像太  
子學堂故基也

城東南隅有一精舍中作太子乘白馬陵虛之像是踰城處  
也城四門外各有精舍中作老病死入沙門之像是太子遊  
觀觀像增懷深厭塵俗于此感悟命僕迴駕城南行五十餘  
里至故城有窳堵波是賢劫中人壽六萬歲時迦羅迦村馱  
佛本生戒也城南不遠有窳堵波成正覺已見父之處城東  
南窳堵波有彼如來遺身舍利前建石柱高三十餘尺上刻  
師子之像傍記寂滅之事無憂王建焉迦羅迦村馱佛城東  
北行三十餘里至故大城中有窳堵波是賢劫中人壽四萬  
歲時迦諾迦牟尼佛本生城也東北不遠有窳堵波成正覺

已度父之處次北有窣堵波有彼如來遺身舍利前建石柱  
高二十餘尺上刻師子之像傍記寂滅之事無憂王之所建  
也

城東北四十餘里有窣堵波是太子坐樹陰觀耕田于此習  
定而得離欲淨飯王見太子坐樹陰人寂定日光迴照樹影  
不移心知靈聖更深珍敬

大城西北有數百千窣堵波釋種誅死處也毗盧擇迦王旣  
克諸釋虜其族類得九千九百九十萬人並從殺戮積尸如  
莽流血成池天警人心收骸瘞葬

誅釋西南有四小窣堵波四釋種拒軍處初勝軍王嗣位也  
求婚釋種釋鄙其非類謬以家人之子重禮娉焉勝軍王立

大唐西域記卷六

八

爲正后其產子男是爲毗盧擇迦王毗盧擇迦欲就舅氏請  
益受業至此城南見新講堂卽中憩駕諸釋聞之逐而罵曰  
卑賤婢子敢居此室此室諸釋建也擬佛居焉毗盧擇迦嗣  
位之後追復先辱便興甲兵至此屯軍釋種四人躬耕畎畝  
便卽抗拒兵寇退散已而入城族人以爲承輪王之祚允爲  
法王之宗子敢行凶暴安忍殺害汙辱宗門絕親遠放四人  
被逐北趣雪山一爲烏仗那國王一爲梵衍那國王一爲呬  
摩呬羅國王一爲商彌國王奕世傳業苗裔不絕

城南三四里尼拘律樹林有窣堵波無憂王建也釋迦如來  
成正覺已還國見父王爲說法處淨飯王知如來降魔軍已  
遊行化導情懷渴仰思得禮敬乃命使請如來曰昔期成佛



當還本生斯言在耳時來降趾使至佛所具宣王意如來告曰却後七日當還本生使臣還已白王淨飯王乃告命臣庶灑掃衢路儲積花香與諸羣臣四十里外佇駕奉迎是時如來與大眾俱八金剛周衛四天王前導帝釋與欲界天侍左梵王與色界天侍右諸苾芻僧列在其後唯佛在衆如月映星威神動三界光明踰七曜步虛空至生國王與從臣禮敬已畢俱共還國止尼拘盧陀僧伽藍其側不遠有窣堵波是如來于大樹下東面而坐受姨母金縷袈裟次此窣堵波是如來于此度八王子及五百釋種

城東門內路左有窣堵波昔一切義成太子于此習諸技藝門外有自在天祠祠中有石天像危然起勢是太子在襁褓

大唐西域記卷六

九

中所入祠也淨飯王自臘伐尼園迎太子還也途次天祠王曰此天祠多靈鑒諸釋童稚求祐必効宜將太子至彼修敬是時傳母抱而入祠其石天像起迎太子太子已出天像復坐

城南門外路左有窣堵波是太子與諸釋捫藝射鐵鼓從此東南三十餘里有小窣堵波其側有泉泉流澄鏡是太子與諸釋引強校能矧矢旣分穿鼓過表至地沒羽因湧清流時俗相傳謂之箭泉夫有疾病飲沐多愈遠方之人持溼以歸隨其所苦潰以塗額靈神冥衛多蒙痊愈箭泉東北行八九十里至臘伐尼林有釋種浴池澄清皎鏡雜花彌漫其北二十四五步有無憂花樹今已枯悴菩薩誕靈之處菩薩以吠

舍佉月後半八日當此三月八日上座部則曰以吠舍佉月後半十五日當此三月十五日次東窣堵波無憂王所建二龍浴太子處也菩薩生已不扶而行于四方各七步而自言曰天上天下唯我獨尊今茲而往生分已盡隨足所蹈出大蓮花二龍踊出住虛空中而各吐水一冷一煖以浴太子浴太子窣堵波東有二清泉傍建二窣堵波是二龍從地踊出之處菩薩生已支屬宗親莫不奔馳求水盥浴夫人之前二泉踊出一冷一煖遂以浴洗其南窣堵波是天帝釋捧接菩薩處菩薩初出胎也天帝釋以妙天衣跪接菩薩次有四窣堵波是四天王抱持菩薩處也菩薩從右脇生已四天王以金色氎衣俸菩薩置金机上至母前曰夫人誕斯福子誠

大唐西域記卷六

十

可歡慶諸天尙喜況世人乎

四天王捧太子窣堵波側不遠有大石柱上作馬像無憂王之所建也後爲惡龍霹靂其柱中折仆地傍有小河東南流土俗號曰油河是摩耶夫人產孕已天化此池光潤澄淨欲令夫人取以沐浴除去風塵今變爲水其流尙膩從此東行曠野荒林中二百餘里至藍摩國

中印  
度境

藍摩國空荒歲久壇場無紀城邑邱墟居人稀曠故城東南有輓窣堵波高減百尺昔者如來入寂滅已此國先王分得舍利持歸本國式遵崇建靈異間起神光時燭

窣堵波側有一清池龍每出遊變形蛇服右旋宛轉繞窣堵波野象羣行採花以散冥力警察初無間替昔無憂王之分

建窳堵波也七國所建成已開發至子此國方欲興工而此池龍恐見陵奪乃變作婆羅門前叩象曰大王情流佛法廣樹福田敢請紆駕降臨我室王曰尔家安在爲近遠乎婆羅門曰我此池之龍王也承大王欲建勝福敢來請謁王受其請遂入龍宮坐久之間龍進曰我惟惡業受此龍身供養舍利冀消罪咎願王躬往觀而禮敬無憂王見已懼然謂曰凡諸供養之具非人間所有也龍曰若然者願無廢毀無憂王自度力非其儔遂不開發出池之所今有封記

窳堵波側不遠有一伽藍僧衆甚矣清肅皎然而以沙彌總任衆務遠方僧至禮遇彌隆必留三日供養四事聞諸先志曰昔有苾芻同志相召自遠而至禮窳堵波見諸羣象相趨

往來或以牙芟草或以鼻灑水各持異花其爲供養時衆見已悲歎感懷有一苾芻便捨具戒願留供養與衆辭曰我惟多福濫迹僧中歲月亟淹行業無紀此窳堵波有佛舍利聖德真通羣象踐灑遺身此地甘與同羣得畢餘齡誠爲幸矣衆告之曰斯盛事也吾等垢重智不謀此隨時自愛無虧勝業亦旣離羣重伸誠願歡然獨居有終焉之志于是葺茅爲宇引流成池採掇時花灑掃瑩飾綿歷歲序心事無怠隣國諸王聞而雅尚競捨財寶共建伽藍因而勸請屈知僧務自爾相踵不泯元功而以沙彌總知僧事沙彌伽藍東大林中行百餘里至大窳堵波無憂王之所建也是太子踰城至此解實衣去瓔珞命僕還處太子夜半踰城遲明至此旣允宿

心乃形言曰是我出籠樊去羈鎖最後釋駕之處也于天冠中解末尼寶命僕夫曰汝持此寶還白父王今茲遠遁非苟違離欲斷無常絕諸有漏闡鐸迦舊日車匿訛也曰詎有何心空駕而返太子善言慰喻感悟而還

迴駕窳堵波東有瞻部樹枝葉雖凋枯株尙在其傍復有小窳堵波太子以餘寶衣易鹿皮衣處太子旣斷髮易裳雖夫瓔珞尙有天衣曰斯服太侈如何改易時淨居天化作獵人服鹿皮衣持弓負羽太子舉其衣而謂曰欲相貿易願見允從獵人曰善太子解其上服授與獵人獵人得已還復天身持所得衣陵虛而去

太子易衣側不遠有窳堵波無憂王之所建也是太子剃髮

大唐西域記卷六

處太子從闡鐸迦取刀自斷其髮天帝釋接上天宮以爲供養時淨居天子化作剃髮人執持鋤刀徐步而至太子謂曰能剃髮乎幸爲我淨之化人受命遂爲剃髮踰城出家時亦不定或云菩薩年十九或云二十九以吠舍佉月後半八日踰城出家當此三月八日或云以吠舍佉月後半十五日當此三月十五日太子剃髮窳堵波東南曠野中行百八九十里至尼拘盧陀林有窳堵波高三十餘尺昔如來寂滅舍利已分諸婆羅門無所得獲于涅疊般那唐言焚燒舊云闡維訛也地收餘灰炭持至本國建此靈基而修供養自茲已降奇迹相仍疾病之人祈請多愈

灰炭窳堵波側故伽藍中有過去四佛座及經行遺迹之所

故伽藍左右數百窰堵波其一最大者無憂王所建也崇基雖陷高餘百尺自此東北大林中行其路艱險經途危阻山牛野象羣盜獵師伺求行旅爲害不絕出此林已至拘尸那揭

羅國

中印  
度境

拘尸那揭羅國城郭頽毀邑里蕭條故城輒基周十餘里居人稀曠間巷荒蕪城內東北隅有窰堵波無憂王所建准陀

舊曰純陀訛也

之故宅也宅中有井將營獻供方乃鑿焉歲月雖淹

水猶清美城西北三四里渡阿恃多伐底河

唐言無勝此世共稱耳舊云阿

利羅跋提河訛也舊言謂之尸賴聳悅底河譯曰有金河

西岸不遠至娑羅林其樹類榭

而皮青白葉甚光潤四樹持高如來寂滅之所也其大輒情舍中作如來涅槃之像北首而滅傍有窰堵波無憂王所建

大唐西域記卷六

三

基雖傾陷尙高二百餘尺前建石往以記如來寂滅之事雖有文記不書日月聞諸先記曰佛以生年八十吠舍佉月後半十五日入般涅槃當此三月十五日也說一切有部則佛以迦刺底迦月後半八日入般涅槃當此九月八日也自拂涅槃諸部異議或云千二百餘年或云千三百餘年或云千五百餘年或云已過九百未滿千年精舍側不遠有窰堵波是如來修菩薩行時爲羣雉王救火之處昔於此地有大茂林毛羣羽族巢居穴處驚風四起猛焰颺逸時有一雉有懷傷愍鼓濯清流飛空奮灑時天帝釋俯而告曰汝何守愚唐勞羽翮大火方起焚燎林野豈汝微軀所能撲滅惟曰說者爲誰曰我天帝釋耳雉曰今天帝釋有大福方無欲不遂救

災拯難若指諸掌反詰無功其咎安在猛火方熾無得多言  
尋復奮飛往趣流水天帝遂以栴水泛灑其林火滅烟消生  
類全命故今謂之救火窅堵波也

雉救火側不遠有窅堵波是如來修菩薩行時爲鹿殺生之  
處乃往古昔此有大林火炎中野飛走窮窘前有駛流之阨  
後困猛火之難莫不沉溺喪棄身命其鹿惻隱身據橫流穿  
皮斷骨自強拯溺蹇免後至忍疲苦而濟之筋力旣竭溺水  
而死諸天收骸起窅堵波鹿極溺西不遠有窅堵波是蘇跋  
陀羅唐言善賢舊曰須跋陀羅訛也入寂滅之處善賢者本梵志師也年百  
二十耆舊多智聞佛寂滅至雙樹間問阿難曰佛世尊將寂  
滅我懷疑滯願欲請問阿難曰佛將涅槃幸無擾也曰吾聞

佛世難遇正法難聞我有深疑恐無所請善賢遂入先問佛  
言有諸別衆自稱爲師各有異法垂訓導俗喬荅摩舊曰瞿曇訛畧  
也能盡知耶佛言吾悉深究乃爲演說善賢聞已心淨信解  
求入法中受具足戒如來告曰汝豈能耶外道異學修梵行  
者當試四歲觀其行察其性威儀寂靜辭語誠實則可于我  
法中淨修梵行在人行耳斯何難哉善賢曰世尊悲愍舍濟  
無私四歲試學三業方順佛言我先已說在人行耳于是善  
賢出家卽受具戒勤勵修習身心勇猛已而干法無疑自身  
作證夜分未久果證羅漢諸漏已盡梵行已立不忍見佛入  
大涅槃卽于衆中入火界定現神通事而先寂滅是爲如來  
最後弟子乃先滅度卽昔後度蹇免是也善賢寂滅側有窅

堵波是執金剛躡地之處大悲世尊隨機利見化功已畢入寂滅樂于雙樹間北首而臥執金剛神密迹力士見佛滅度悲慟唱言如來捨我入大涅槃無歸依無覆護毒箭深入愁火熾盛捨金剛杵悶絕躡地久而又起悲哀戀慕五相謂曰生死大海誰作舟楫無明長夜誰爲燈炬金剛躡他側有窣堵波是如來寂滅已七日供養之處如來之將寂滅也光明普照人天畢會莫不悲感更相謂曰大覺世尊今將寂滅衆生福盡世間無依如來右脇臥師子牀告諸大衆勿謂如來畢竟寂滅法身常住離諸變易當棄懈怠早求解脫諸苾芻等獻歎悲慟時阿泥埵盧骨反陀舊曰阿那律訛也告諸苾芻止止勿悲諸天訊怪時末羅衆供養已訖欲舉金棺詣涅槃般那所

大唐西域記卷六

五

時阿泥律陀告言且止諸天欲留七日供養于是天衆持妙天花遊虛空讚聖德各竭誠心共興供養停棺側有窣堵波是摩訶摩那夫人哭佛之處如來寂滅棺殮已畢時阿泥埵陀上昇天官告摩耶夫人曰大聖法主今已寂滅摩耶聞已悲哽悶絕與諸天衆至雙樹間見僧伽胝鉢及錫杖拊之號慟絕而復聲曰人天福盡世間眼滅今此諸佛空無有主如來聖力金棺白開放光明合掌坐慰問慈母遠來下降諸行法爾願勿深悲阿難銜哀而請佛曰後世問我將何以對曰佛已涅槃慈母摩耶白天宮降至雙樹間如來爲諸不孝衆生從金棺起合掌說法城北渡河三百餘步有窣堵波是如來焚身之處地今黃黑土雜灰炭至誠求請或得舍利如來

寂滅人天悲感七寶爲棺千氎纏身設香花建旛蓋末羅之衆奉輿發引前後導從北渡金河盛滿香油積多香木縱火以焚二氎不燒一極襯身一最覆外爲諸衆生分散舍利唯  
有髮爪儼然無損焚身側有窰堵波如來爲大迦葉波現雙足處如來金棺已下香木已積火燒不然衆咸驚駭阿尼埵陀言待迦葉波耳時大迦葉波與五百弟子自出林來至拘尸城問阿難曰世尊之身可得見耶阿難曰千氎纏絡重棺周殮香木已積卽事焚燒是時佛于棺內爲出雙足輪相之上見有異色問阿難曰何以有此曰佛初涅槃人天悲慟衆淚迸染致斯異色迦葉波作禮旋繞興讚香木自然大火熾盛故如來寂滅三從棺出初出臂間阿難治路次起坐爲母

說法後見雙足示大迦葉波現足側有窰堵波無憂王所建也是八王分舍利處前建石柱刻記其事佛入涅槃後涅槃般那已諸八國王備四兵至遣直性婆羅門謂拘尸力士曰天人導師此國寂滅故自遠來請分舍利力士曰如來降尊卽斯下土滅世間明導喪衆生慈父如來舍利自當供養徒疲道路終無得獲時諸大王遜辭以求旣不相允重謂之曰禮請不從兵威非遠直性婆羅門揚言曰念哉大悲世尊忍修福善彌歷曠劫想所具聞今欲相陵此非宜也今舍利在此當均八分各得供養何至興兵諸力士依其言卽時均量欲作八分帝釋謂諸王曰天當有分勿恃力競阿那婆荅多龍王文隣龍王醫那鉢咀羅龍王復作是議無遺我曹若以



力者衆非敵矣直性婆羅門曰勿諠爭也宜共分之卽作三分一諸天二龍衆三留人間八國重分天使人王莫不悲感分舍利窳堵波西南行二百餘里至大邑聚有婆羅門豪右巨富確乎不雜學究五明敬崇三寶接其居側建立僧坊窮諸資用備盡珍飾或有衆僧往來中路慙慙請留罄心供養或止一宿乃至七日其後設賞迦王毀壞佛法衆僧絕侶歲月驟淹而婆羅門每懷懇惻經行之次見一沙門龐眉皓髮杖錫而來婆羅門馳往迎逆問所從至諸人僧坊備諸供養且以淳乳煮粥進焉沙門受已纔一嚼齒便卽置鉢沉吟長息婆羅門侍食跪而問曰大德惠利隨緣幸見臨顧爲夕不安耶爲粥不味乎沙門愍然告曰吾悲衆生福祐漸薄斯言

大唐西域記卷六

十七

且置食已方說沙門食訖攝衣卽去婆羅門曰向許有說今何無言沙門告曰吾非忘也談不容易事或致疑必欲得聞今當略說吾向所歎非薄汝粥自數百年不嘗此味昔如來在世我時預從在王舍城竹林精舍俯清流而滌器或以澡漱或以盥沐嗟乎今之純乳不及古之淡水此乃人天福減使之然也婆羅門曰然則大德乃親見佛耶沙門曰然汝豈不聞佛子羅怙羅者本我身是也爲護正法未入寂滅說是語已忽然不見婆羅門遂以所宿之房塗香灑掃像設儀肅然其敬如在復大林中行五百餘里至婆羅痾

波羅奈國訛也中印度境

女點斯國舊

大唐西域記卷六

音釋

鴛窳

上鳥即反反歸然上高峻貌反瞻揆上之廉反盥洗上音

音免

音免五高反訕謗上所諫反齧吾結反朽藥上許九反下魚

庇廕

上卑反刖吾骨反去手坑穿下音淨穿颯風必苗反跋扈上

末反

下音戶字抉紆決反也嗚咄上鳥沒反類沙上烏割反擗力上

角比

批其額上蒲結反手擊也蹴其臆上秋六反踏也瘞葬

反于

例憩駕上虛例吠畝也一畝百步也祚允上才故反下

也福

嗣咽摩上許反襁褓為之約小兒負于背上也煥音爇霹靂

上普

覓反下音力邛壚下起虛反耶霍然上兄反芟音杉葺茅

上七

入反修也下相踵下之勇反銛刀上息廉反榭木名也

雉

直余反濯濯音濁洗羽翻反胡隔蹇兔上居展反舟楫下音

大唐西域記卷六音釋

大唐西域記卷六音釋